

梅亭四六標準

共九十三

内閣文庫			
函架	冊	一七四二號	特四十二類
			漢書

合

内閣文庫			
番號	漢	11742	
冊數		19 (15)	
函號	圖	3	5



国立公文書館
National Archives of Japan

原本の文字など不明瞭な個所があります。

梅亭先生四六標準卷之二十九

倅

新宮城書藏

通潭州馬通判

赴寧鄉簿

榮膺宸綽顯貳价藩千里展長沙之平古稱清絕
別駕居刺史之半今得仁賢先驅有嚴和氣已溢
恭惟某官材猷凝遠識度闕夷勲業終歸於伏波
雲仍固在方略何如於討虜風烈隱然久載休声
宜躋華貫尚屏星之借重使湘水之安流清風明
月之平分折瓊枝而繼佩高蓋華軒之一文齊玉
軼而並馳邦國不空公侯必復某失身副墨食志

勾朱綴簿上而趨閣前繞枝已久采水中而塞木
末託蔭方新尚微風雨之幘幘庶免塵埃之筆楚

通潭州張通判

履信

書生漫仕抗塵祭竈之卑卜史消期隸役題輿之
下昉去民而就吏持不肖以事賢共承攝龜尤願
前馬恭惟某官器資疑遠德宇洪深紅蓮幕下之
婉謀青草湖邊之美製所立皆偉其他可知天道
好還共擬公侯之必復王事靡盬肯舜州縣之徒
勞駕言屏星戾止湘水平分風月已歌邦國之不
空暫建鼓旗更覺湖山之自得會趣長沙之召徑

登文石之班某副墨陋儒勾朱冗職無蚍蜉之援
柰何與上大夫言非鸞鳳所棲此豈為我等輩設
惟倚幘幘於夏屋庶寬箠楚於塵埃

通潭州吳通判

鏗

歌海沂之別駕無路事賢詠臨邑之卑棲消辰效
役敢以尺書之敬徹於再拜之先恭惟某官地望
穹華人門峻特冠切雲帶長鉞夙超四姓之侯佩
明月懷連城要是萬人之敵舒翹綠水展足赤城
盍歸乎來何去之速峻温洛滎河之直分清風明
月之平邦國不空足表監州之績公侯必復益光

著令之忠卧而治之行且召矣某崎嶇白戰漫浪
朱勾不卑小官寧免塵埃之筆楚當誦大府尚希
風雨之悒悒

代回衡州謝通判

曳革履之聲足容縮縮擁緹屏之駕手畢渠渠敢
因謝絨并致賀臆恭惟某官人今而學古齒宿而
意新徘徊金馬之門何相見晚璀璨銀魚之佩曾
不逾時泛綠水之芙蓉栽赤縣之桃李茲展驥足
乃在熊湘王祥垂年別駕之功始立東之雖老宰
相之器固存某見謂龍鍾猶共鳩僇追壬戌赤壁
之夢恍已九齡同甲子絳縣之人幸成二老

代回婺州高倅

鳳凰下千仞頗疑遙增擊而去之鯉魚中尺書乃
有長相憶而遺我形骸更遠臭味已同恭惟某官
賦料凌雲文成翻水排空直上合盛之白玉之堂
取勢斜飛亦宜在青藜之館居然雞肋屈此牛刀
宜未折彭澤之腰已先盡剡溪之興空願一屣於
仁政竟違十乘於他邦何許飛鳧乃今展驥聞及
瓜之不遠知行李之鼎來某已薄暮齡宜收朝蹟
聞有長塵尾固願再款於名談何當大刀頭却恐

寢踈於良覲

代回肇慶方倅 信孺

託先世之遊從妻其一夢見通家之姓字粲若尺書似聞逸氣之無前尤喜故人之有後恭惟某官褪身膚敏發聞芳馨頃冒甚危之機肯使不測之虜迄從權變復合和親奈何衆口之難調責以一言之相應忠無不報事久益明果復舊疆端紆新組治中展驥足才即應於時須池上有鳳毛美更觀於世濟某偶然浪出頗以倒行綠槐十二街此非佚我老之計白髮三千丈行當致爲臣而歸

代回撫州魏倅 峴

伏勤專介見畀屬辭試乞巧於天女孫則爲宜耳願求福於木居士不亦左乎得非所蒙願竊有復恭惟某官世濟其美材稱乎官一同甚敏於割雞半刺即觀於展驥有渥題輿之寵何待推轂之功不即人而入即之行且召矣其求士甚士求我蓋亦有焉某旣受一廩當迎別駕比何武之薦龍舍則恐過情期魏墓之繼鄭公所當拭目

代回處州董通判 居誼

一官藏拙焉知賢材而舉之三載陟明不如鄉人

之善者冒焉剡去何以謝為恭惟某官敏手決科
縈身從政君門不可以徑寧緩其驅公事之了雖
癡姑行所學事常出乎名上材益展於治中足應
時須敢孤歲舉需章比入巽牘鼎來顧恐將去齊
之情莫酬復望蜀之意某余髮如此歸志浩然儀
圖之莫助之浪將短綆匪報也為好也聊實空函

代回筆通判

端已

識中散於未仙知音者寡思元賓而不見訪別其
孤報謁良勞贈言尤寵恭惟某官槐根之止蘭茁
其芽題別駕之輿少紆轍迹聽文昌之履會振家
聲疑只在於山中遂徑造其竹下亦既見止萬金
之產不虛何以贈之兼乘之珠相比某愧無瓊報
徒辱珍投書門前之一死一生客則陋矣坐足下
而三熏三沐愛莫助之

代回臨江鄭通判

元鼎

奉詔舉賢幸不負公車之擯開緘見面乃猶題別
駕之輿揣力則綿摛文何綺恭惟某官才猷膚敏
器度浚明君子學道愛人已之無愠廉吏謹身率
下去則見思意一鷄之可言忘匹雛之無力此亦
公舉殆非私謝之求所愧外除無復裏言之助猥

勤涖軼更枉緹函某歸老杜門味言推轂治中展
驥足豈徒風月之平分池上有鳳毛即看雲霄之
獨步

代施倅稿回邵州王倅祖堯

畏緹命駕引綬露章湖南二郡之豪雄今稱第一
江右諸王之竒俊碩屈平分下車之初載路相慶
恭惟某官典刑炳蔚才諳浚明梗柎大夏之材久
於聳壑瑚璉清廟之器何乃潤山滿期留中還又
補外厥爲資水尚存漁父之滄浪匪直海沂可養
公台之度量飛騰由此翹企埃之某再轉無庸同
寅有幸託交承於隔政不但爲瀟湘之故人話契
闊於期年渾未隔京華之舊夢問兩鴻鵠諒歸詔
之鼎來遺雙鯉魚覺報章之不腆

代回紹興史倅

策驥足於治中方開軌轍棲燕巢於幕下正託旻
幪曾望履之未皇乃鳴謙之先辱藏固深於十襲
報敢廢於七襄恭惟某官天分素高人門具美焜
煌相業接王家三樹之槐爛熳世科掩竇氏五枝
之桂宜自庭階之秀徑躋臺閣之崇要津願厭於
立登佳境不辭於漸入鳴琴單父已昭利器之功

別駕海沂更養佩刀之望有來易地益近去天萬
壑千巖暫煩應接清風明月真足平分長史有宰
相之材寧無識者群從繼叔父之烈行即見之某
一拙百罹十趨九蹶未了癡兒之事復蒙華使之
咨一水相望悵有同於蓬弱五雲借潤幸不棄於
管茅

代回道州宋倅蒙

司臬罔功躡升雉正發函得教似是馬曹歸斯受
之告者過也恭惟某官抱負甚偉揚歷益深酌別
駕一杯之清試春陵二三之策佇觀驥展會即雄
飛某久覺龍鐘又共鳩僦甲兵之間不至乃所願
聞山林之味更長奚其不去

代回黃通判

題別駕之坐君子宜之戀屬車之塵老夫耄矣鼎
來郵問益認鄰光恭惟某官早策名躔寢儀華路
文章爾雅猶存元祐之故家風采老成不減正元
之朝士小淹驥展佇即雄飛某密託扮揄旣凋蒲
柳榮鈞天之一餉續夢無多及崦日之半規告歸
已決小須驛召猶或郊迎

代回李通判

銓

嘆峨峯之客子舊嘗綴於金臺懷石林之主人今
獲依於玉樹所願拜一盃之水乃先飛五朶之雲
恭惟某官世載其英學優則仕繩其祖武合薰班
馬之香裕乃父功宜踵韋平之武况是一門叔父
之貴新領三軍元帥之權雪夜鵝鳴亦識西平之
有子風聲鶴唳倚湏幼度之平戎詎容全材更淹
半刺式觀挺挺之風烈克稱袞袞之公侯時來爲
之風斯下矣某竭來通義正幸依仁所恨五色之
迷有負六王之畢同姓同業也底勞叙元禮之通
家三熏 三沐之尚擬迎蓋公而避舍

代回綿州程通判

植

化闥禮闈不隔云堂之霧廉泉遯水久睽緹屏之
星伴來以書僕感且悚恭惟某官器資冲遠業德
碩膚嶭然岷峨之高皞乎江漢之濯發劓游刃已
知立解於千牛按轡徐驅亦覺坐空於萬馬不謂
九垓之汗漫尚從半刺之翱翔然富樂之山固有
富樂之實佐磊落之府正湏磊落之人豈有不龜
之封侯而忘無蟹之監郡某罔功龍邱游試墓津
無以我公歸兮試問蕭朱之好事其大夫賢者尚
修程李之驪

代回吳通判

昌裔

對月半輪荷不厭平分之破觀風一道乃遽叨進
寸之除感曳履以見臨且鳴謙而加賁共惟某官
清標山立奧學淵停濮陽朱弦之桐洗盡人間之
箏笛豫章白羽之扇留為世上之舟航詎容蠶頤
久淹驥足頗哀老子夙託年家噓枯吹生絡繹寄
聲於圓嶠駕輕就熟馳驅俾踵於方舟某已控需
章巧還節傳集于苞栩集于苞杞但切懷歸投以
木瓜投以木桃祗慚匪報

代回叙州通判楊承議

德輔

揚舲監郡懷寶睦鄰秋月兩章真有風人之託春
雲多態不為時世之粧載味落英踐實之言足窺
結根孤生之節水色異諸水安能為清紺之塵君
家更贈君無忘厚培埴之力

梅亭先生四六標準卷之二十九

梅亭先生四六標準卷之三十

諸司屬官

代回丁制機

銘

某恭審進通閨籍出運帷籌閱道放出蜀之龜侯
誰在矣令威跨歸遼之鶴而子和之恭惟某官李
裕家傳才優時用一經受業固無羨黃金之籛萬
里隨翁欲重吟青玉之案宜輕蒲壁樂近蘭陔暫
主畫於中權即舒翹於表選乃今王謝之子弟率
多信布之功名佇奏膚公亟觀趾美某八年于外
一節以趨欲贈丁儀愧乏子建之好句得見嵇紹

益知中散之有人

代回楊制幹異

桂林勞從事之賢講聞高誼久矣草堂就參謀之
辟邂逅適我願兮况聞在楊侯之鄉已嘗識李邕
之面偶忘摸索重感記怜共惟某官矯節紉蘭妙
齡拾芥章指之義數萬志在春秋縱橫之對三千
文之禮樂畫諾肥越人之瘠笑談易蜀道之難北
山有楊想君子樂與賢者西方曰棘嗟遠道胡爲
來哉行矣章交亟其王覲某昔遲去曾今倦游梁
忻聞瀟湘之故人來作臨邛之重客潭府淳古亦

嘗倚席於麓山錦里逢迎更覺驚心於石鏡

代回耿制屬

重客及隍缺於遠肅高文銜袖厚甚先施恭惟某
官山立清標淵回懿李暫試三語之標迄無一夫
之寃茲被制捆之知俯按荒城之陋某幸諧再覲
仍拜屬辭徒深巾衍之藏莫效襜褕之報

代回陳制幹噲

青天轉粟之難漸欲歸雞豚之社綠水紅蓮之麗
鼎來見鴻鴈之賓與汝爲鄰於余同業何幸萬里
似人之喜然非九垓若士之期伏惟某官李行醇

明詞章炳蔚頃嘗識老人大父之處已知異吾黨
小子之狂八韻之驚試官果妙年而中鵠三仕而
爲令尹宜即以飛鳧願從嶺表之炎來依劔外
之冷孔明用蜀府中實委之費禕嚴武鎮川幕下
固謀之杜甫所謂有爲之亦若安知來者之不如
某戍雪無庸漕冰欲解十乘久違於文子至於它
邦尺書如見於孟公爲之驚坐

代回史機宜

識嵇父於未仙知敬人中之鶴見徐卿之有子真
成地上之麟辱貽秋月之兩章尤服春雲之多態
恭惟某人材爲國瑞李有家傳手敏八義亦欲吹
噓而送上眼迷五色竟難摸索於暗中不妨利吾
器以俟時行即漑其根而食實斯文如女有正色
安用自怜我相夫子非癯仙即騰善價某方謀下
榻聞偶稅郊茲勤連璧之臨咸有聯珠之贈寸田
耕不盡益信任忠敏之詩二季對相望誑有歐陽
子之識

代回成機宜

晉

疏寵承家拜恩諾仕男兒慷慨不難自致於一科
母氏劬勞且合亟營於三釜固爲親屈難與俗言

伏惟某人茂實英聲瑰意琦行象賢崇德豈惟聞
禮以聞詩續間成宗是在難兄而難弟姑紆綠綬
用當綵衣佇觀名第之擢疑即步要津而策足某
未皇贊慶猥辱貽箋識野鶴於未仙但深感愧期
名駒之越國會見騫騰

代回劉撫幹

孟虎

先庚有命焉知賢才而舉之高甲為郎何見公等
之晚也冒然剡入無以謝為恭惟某官李超人羣
詞窺天巧一第直溷子政有貴於晚成屢薦不入
官亦何慊於同隊假以歲月矯焉雲霄某得於所
聞言之不怍燭之武老矣無能為矣一力告休仲
山甫舉之愛莫助之萬祈自重

代回胡帥機

綱

諸公獻納共騰薦士之章老子婆娑亦竊挂名之
寵徒得君重何以謝為恭惟某官父教之忠世濟
其美故國非謂喬木意風烈之猶存此笏乃今甘
棠况天章之固在黃閣門闌之喜青油談笑之長
推轂有言滿坐稱善聊附蒼蠅之尾何補黃鵠之
毛然未嘗得承顏而接辭則非所謂納交而要譽
履聲來止巽謝何哉某無與提衡亦勤銜袖暗投

珠於道路何以相酬朝發軔乎梁津幸其自愛

代回楊撫屬

紹雲

老形已具濫塵喉舌之司賀積鼎來遠借齒牙之
論恭惟某官文獻博雅機量疏明爲入幕之賓諒
多裨贊舉筦庫之士會即騫騰某歸興雲飛官情
冰冷推賢揚善亦有味其言哉度力量時懼無補
於賢者

代回浦撫機

仲乙

聯名接武憶共尋皇子之陂異事同僚喜來入烏
公之幕情親有素辭費何居伏惟某官遠抱淵深
清標冲粹二十而作文賦早拾科名八百之除吏
負偶非親故然大車檻檻每難銳進而餘刃恢恢
正覺研新社老參謀正不出浣花之里晉公贊畫
固可參古栢之碑况今連鑣向闕之人莫非講劍
摛文之客北多良馬暫入禮羅南有嘉魚即登賢
罽某託交年拜起敬月評風動帳中亦欲更親於
談笑冰解漕下自茲恐隔於行藏

代回李總屬

鑄

懷中散之野鶴夙荷心知見少傳之傳鸞今能趾
美未遑贊慶猥辱陳箋恭惟某官李有家傳才爲

國許金閨天上夙尋瑤草之期玉樹風前善繼石
林之志佇膺世選不俟民庸某家寓峨峯族出成
紀重來訪鴈湖之鴈已隔煙霄何幸見龍津之龍
早騰雲漢其為頌詠曷旣敷陳

代回朱總屬喻講書

久於睽離辱此臨賁頓解塵埃之渴更勤月露之
文退而復白圭之三何翅得黃金之百駕彼四牡
量材未敢以載驅遺我雙魚拜賜惟知於長跪

代回鄧總幹剛

共州隲邑偶萬里之盍簪異事同寮借一音而推

轂所慚假蓋何用陳牋恭惟某官才器鴻厓詞章
犀銳倦乘箕而騎尾甘歷井以捫參北風旣亟只
且獨何為乎愁苦南鄭多道亡者碩不行兮夷猶
天實生之人為瞠若去國暮年見似者喜矣嗟尔
遠道胡為乎來哉引鼎不程乞鄰非直偉卿以一
身從我安敢蔽賢伯道之五鼓不來忽聆執誅某
久於戍雪行矣解冰當百里半九十之時敢辭賤
役有一石三十鍾之窘更賴仁言

代回陳檢察鑄

仰仲子之世家積百聞於一見得孟公之手牘將

異事而同寮所愧先施之未能乃蒙下問而不耻
恭惟某官李有家法材應時須登賢能之書合竟
丹墀之對作神僊之尉未忘文石之忠尋小試於
幕謀謂徑通於閨籍居然斂板復此曳裾百斛千
鍾來察聖賢之實一石五斗肯聽婦兒之言無嫌
從事之獨勞行應司徒之計治某燕巢既舊蝗粟
知慙明珠暗投固已覺我之形穢寒冰烟立尚或
使人之眼明

通湖南韓運管

望桐韓之閎閱夙仰泰山特苦李之姓名敢通北
海眇然縣掾之賤望之使筦之尊以言自鳴於分
甚僭恭惟某官材猷孔碩文獻甚都東萊其師驥
固宜於汗血南澗之嫡鳳何有於九毛君遣使之
皇皇筵得賓而秩秩坐紆三組卧護重湖使曾吞
雲夢而恢然則背負天風也必矣某卑棲矮屋仰
席崇臺安得自高政有資於引重能令公怒寧無
望於包荒

代回胡運管極

回首祝融之峯前又無鴻鴈濯足清江之窻下忽
送鯉魚既感故情又慙褒語恭惟某官士林翹楚

官海汨齊騰身方脫於選堦歛手又償於邑債賴
割鷄之敏甚卒馴雉以靡然觀其不辭州縣之勞
終焉必爲臺閣之器聊依綠水即致青雲某不安
田廬又塵班列老矣無能爲也行即告歸忠焉能
勿誨乎毋忘嗣訊

代回胡運管極

西清舉賢爭剡需頭之薦南郭濫吹與題籍尾之
名計效則無何謝之有恭惟某官抱致遠之度無
欲速之心才名四十年始償邑債扶搖九萬里猶
作幕賓歸張迭嗟崔李交說射雉而用一矢縣力
可慙烹魚而得尺書雄文何腆某亡能爲役有味
其言末路再得朋喜而不寐吾負二宜去人謂斯
何

代回添差吳運筦鑰

戚侯四姓旣聯中秘之華部使六條顧倚上賓之
重方欲展大僚之敬乃先勤小牘之恭一謙尊光
三復愧感恭惟某官噐函天粹材軼人群太妙徽
音雖不聞而亦式少君高節豈以貴而自驕榮通
東壁之圖書暗接西廂之筆橐碩肯參聯於冰潛
不辭主諾於日畿世選爾勞聊復養脩門之望徒

得君重詎真煩細務之親無王事鞅掌之勤有皇
華咨諏之任銅龍甲觀生民又望於姜嫄路馬乘
車褒賞誰如於申伯某婁其紛白復此依紅蛙以
墟拘豈是緣青冥之脚魚於川泳尚或同白水之
心

代回許運幹儀

枉駕臨存屬辭賁重今作禁門鍵敢當百年幾見
之稱君如雙井茶會赴衆口一嘗之願恭惟某官
氣墟海岱文耀虹霓羅致幕中信一第之直溷子
寶橫道側乃屢薦而不入官今歸張之迭嗟又崔

李之交說敢愛其力而隱於言惟是日夕之牛羊
會且歸矣瞻彼月明之烏鵲愛莫助之某有味推
賢無能爲役然前驅弩矢固余力之不任儻旁譟
鼓旗或此心之可效

代回奚運幹祝

題鴈塔之名夙有同升之幸依驪駕之漕茲叨聯
事之榮愧削牘之未遑感飛牋之先辱恭惟某官
歸然地望雋甚天資手決世科不用懷紉之簪笏
力行家孝固求竹帛之功名便當正奚仲之車何
用主李悝之糴湟中四百萬石暫倚經營廣內

一百三家即煩校理某偶攀末甲復託同寅自揣
頭顱猶是五侯之賓客視如手足亦惟四海之弟
兄

代衛內機回新任趙運幹

師秀

內幕主書濫竊機謀之祿外臺贊畫鼎來禮樂之
英蓋修同寅之恭適坐旁午之冗高情厚甚下問
燁然恭惟某官傑立宗標焯為儒倡麟振振而一
角鳳翹翹以九苞太乙吹灯豈特傳五行之季長
庚吐焰固宜光萬丈之文吾道非耶公等安在既
低飛於枳棘又屢泛於芙蓉輟天塹之元僚佐星

輶之計吏棟簾雲雨似聞曾駐於檐帷庭戶湖山
復見重來之賓佐聊副皇華之咨度即登清切之
司存某濩落束書參差一第不符不獵豈能談笑
於青油為箕為裘聊戲爛斑之綵服爾然薄陋安
所依歸異事同寮儻怜草木之吾味百聞一見當
為珠玉之脩容

代回曾運幹

集

射雉而用一矢繇力可慙烹魚而得尺書雄文甚
寵初無足謝何過乎恭恭惟某官殖李精深摛辭
鉅麗一讀阿房之賦信九馬之比皆空再歌泮水之

詩知祝嘏之速肖聊焚星軺之畫盍歸天網之收
某老矣綴班闕然報國徒得君重輒刻牘於公車
何以文爲更歸恩於私室不辦七襄之報姑容十
襲之藏

代回新成都趙帳幹 益

計幕借材鼎來主畫郵筒聞報方欲貢書猥勤下
問之先殊感高情之厚恭惟某官世濟其美父教
之忠材刃有餘解全牛而不頓智囊無底洗凡馬
而可空是宜即復於青氊不謂尚淹於墨綬惟茲
漕輶正重賓筵惠然肯來協贊皇皇之轡出其所
李行豐暴暴之財不俟章交會應召用某冒焉行
險庸此依仁及同君子之寮亶爲幸會所媿小夫
之牘不盡傾期

代回唐提幹 元齡

夏辟三千參聯無補冬官六十攝長可慚何勤執
訊之來更辱徽言之寵恭惟某官摘髭名第策足
英游暮拔其尤父幕中之羅致歲計其入知地上
之錢流行交公車之章當爲清廟之器某不能者
止乃分之宜方鳩儻功志以年之當廢我龜旣厭
知曷月之還歸

代回陳提幹 伯震

明詔選賢爭抗需頭之薦老夫涉筆但深遯尾之
慙幸而得君可以報國恭惟某官摘髭名第策足
俊游人嘆老而嗟卑急於速化士任重而道遠貴
在晚成欲功名留久遠之看信溫飽非平生之志
日諸公之暗摸露尺櫝以明揚今猶待詔於公車
底用謝恩於私室某隨人作許為役無能感北山
之移文逝將命駕觀東閣之奇士更幸改轅

代回夔路馬提幹 已榮

二年滿戍鷓回首以東歸再命觸藩暮矣頤而西

顧本欲潛深而伏隩願使出幽而迂喬欲罷未能
不知所賀恭惟提幹岷峨濯秀江漢養源淬剗犀
之鋒馳騁不難於萬里賦射熊之館吹噓亦在於
九天若為二紀之塵埃良負兩科之冠劔方江濤
之如此覺人物之眇然勲業終伏波之歸圖畫勉
凌煙之繼某濫竽榜下曳尾泥中推轂有味其言
心乎愛矣引鼎不程其力人謂斯何

代回新班李茶幹 鏗

白髮強顏洵叨乘障黃塵眯目未暇見賢敢圖宗
家之英辱貽記室之牘恭惟某官人門第一才氣

無雙蔚然丹山之羽毛展也青雲之步武麒麟地上已通籍於煙霄龍鶴山中難窺班於霧雨切聞六經三史之李欲追一翁二季之蹤行膺綸綍之招何待弦歌之試某夙同鯁譜近倚龍門所恨室邇而人遐未由展覲敢謂禮踰而情過更費屬辭感鏗惟深鋪菜曷旣

代回提幹監鎮楊修職埴

問一得三夙服名駒之譽駢四儷六茲窺汗馬之功得非所蒙願竊有復恭惟某官岷峨毓秀江漢濯英挺有祖風固合間於兩社裕乃父烈寧當久於諸侯茲耿耿以發硯已纍纍其綴組芝蘭庭下子弟正欲自佳槐棘班中公侯必復其始某辱崇世契見碩邦交老欲荷鋤歸問南山而種丘古來和鼎相期東閣之觀梅

代回許知縣鴻祖虞判院提幹珪袖賀

屣履迎門獲解塵埃之渴文書銜袖辱貽月露之篇所慙先施之未能又覺成章之匪報惟感千金之贈當深十襲之藏

代回夔路常平馬提幹己榮

偏城守土曾微牧御之庸一道觀風猥被將輸之

命亟控循墻之避但期接浙而行敢意鳴謙抵深
自訟恭惟某官銅柱氣旣絳帳文章早收揚葉之
功尋擢桂林之第全材孔碩迅步何稽羅而致幕
中足占穎脫爭令出門下行即章交佇軒翥以若
然知乘除之必爾某濫叨小節甚愧同升兩科文
武之英幸獲陪於年拜三川人物之論亦竊服於
旦評所愧匹雛無力之人莫旅萬牛回首之送區
區之悃續續以言

代回詹書監

淵

庶獄哀矜參聯弗績八材飭化率屬罔功過厚高
情更勤下問恭惟某官有志於世用力斯文儼素
韞之倚廬敢丹心之戀闕范希文之守服必通時
相之書富彥國之從權宜有天子之詔不然暮召
當在朝祥某乂玷憲曹又共事典會且歸矣所願
爲聖人之氓愛莫助之猶幸惜天下之寶

代回詹書監

淵

八年一別瞠若可驚千里尺書寔然有喜只慙善
頌未免過情恭惟某官乂手成章摘疑取第民曹
補掾已小試十二牛之刀詞學問津又將垂五十
牻之餌不虞銜恤猶鬱交章少須彈琴之成誓會

見積新之居上某強顏于此視蔭幾何尋有味推
轂之言老夫耄矣持受羹反錦之意執事亮之

代回饒殿幹時亨

貳職祥刑罔功犴獄誤恩率屬遂長雉工視蔭幾
何取數多矣恭惟某官素材孔碩清德不腓醉面
春風之和良多行樂官情秋光之薄還動出機有
赫寶儲行觀幹裕某宜燕居息而鳩儻功某水某
丘所釣遊會且歸矣在阡在陌可來徃亦有意欵

代回饒殿幹時亨

頭顱如此甚慚朝夕之論思足音寔然真成親戚

之聲欵輒因陳謝併賀新除恭惟某官家食甚都
官情未憖里門養望久倦游紫樞之庭冊府辦嚴
將司存白玉之牒不妨遊戲會有薦揚某宜在挂
冠又此持橐聊復爾耳姑出應於俗緣歸去來兮
猶可尋於情話

[Faint, illegible text on the left page]

[Faint, illegible text on the right page]



Vertical text on the right edge of the book, including the number '十五' (15).

